

Fida Nyamesemka: Dzifuu 13, 2013.

(Friday Sermon – 13th December, 2013 – Fante Translation)

NYIMPA HO NSAKYER NE FA BI.

Aber a okrantsee tashhud, ta'awuz na Kuran ne fa a odze Surah Al-Fatiha wiei no, Huzur Aqdas (Allah mfa No mboa a oye dzen no nhye no dzen) kaa de: Nyamesemka a yekaa no Fida ebien a wodzi ekyir no mekasae faa kasapow a ofa no mbre nyimpa noho nsakyer a se yeye a obeye yie eso obedzi mu. Nyamesemka a yekaa no wo Fida no a etwa mu ko no yeduaa nsembisa na nyiano kaa no a ofa no Anohoba Mesia (ANN) n'afotusem wo kasapow yi ho no, moboo mbodzen de mebekyerere kwan a Anohoba Mesia (ANN) no sii bisaabisaa nsem kyere de yeridzi dem nsem yi do anaa. Mbom hen abrabomu nsesa nnye dza ofa no ndzamba kumaabi ho.

Islam nkyerekyere kasa fa nsemansema pii ho, akwankyerere pii na Kuran Kronkron dze ama hen wo ho. Dem ntsi na Anohoba Mesia (ANN) no esi no ewur wo buukuu a woto no dzin "Hen Nkyerekyere" no mu ama yeenya mfaso efi mu wo hen nsakyer ho de: Meka mekyere hom wo nokwar mu de onyia biara a oka hom ho a oammfa mbranssem ketsekete mpo a oka mbranssem ahaesun a owo Kuran Kronkron mu no, odze nara ne nsa tow nkwagye abow no mu ma noho. Iyi ye asem a oye hu mapa eso ofa henho. Owo de yehwe yie ansaana yeetu anamon anaa yeaye ndzeyee biara, se osuar denara mpo a.

M'aka nsem yi wo nyamesemka adadaw no mu, botae a onam do ma Anohoba Mesia (ANN) no bae, de odze Kuran Kronkron no ne mbranssem abobo adze ama hen, na sama yeanantsew Sunnah (Nkomhyenyi Kronkron (NNN) ne ndzeyee) kwan mu. De mbre obeye ma yahye no botae ma no okoo do twee hen adwen gyinaa nsem yi do.

Se yedze nokwardzi hwehwe hen abrabo mu a, de mbre m'aka no dada no, yebohu de se yetse dem nsem yi a yeye nsakyer, mpo nda kumaabi na ogye ntaa ma dodowara san ko hon ndzeyee dadaw no a nna yerutu mpon wo mu no, no mu. Dem tsebea yi otse de Jack a owo adaka mu no, na oko do hye adaka no mu ber biara a adaka n'ebuado no bua do, mbom se wobuei adaka no do per na oefi mu epuei. Ntsi mbre otse nye no, ber a wokodo kasa asem bi ho no nkorofu dze aso ko do naaso se afotu na nkyerekyere mu yi nnko do bio a nyimpakor nara no nsunyiwa anaa nsunyiwa a odafewdafew wo ma eye bon no nkorofu pii dan ko hon kwan dadaw noara mu ma ndzebon ba bio. Nkorofu anokwarfo pii kyerewee braa me ber a me wiei nyamesemka de yerobo mbodzen sor na hom nsor mbisa mpaabo de dem "Jack" a oye bon ahorow ne farbaa no wodze asan ato adaka no mu a onam nyamesemka tum do ma oaka mu a onnyi de ofir edzi bio enyimenyim yi. Mbre otse biara owo de yedwen ho, siantsir a dem "Jack" no oko do ara bo noho mbodzen de obefi adaka no mu puei. Nsakyer a owo adze pokyee biara mu botum aba na kwan a yenam do ma dem nsakyer yi ba no gyede yehu

ntotoananmu p̄kyee a ɔwɔ hɔ no na yeko no dze no ba ewei, sɛ bɔn no ne farbaa tsim hɔ a, ɔno sɛ nsakyer no ba a ɔnkyer na bɔn no anaa ndzeyɛɛfi no asan aba bio.

Ber a mehyɛ ase dɛ merefa dɛm kwan yi do adwendwen dɛm nsem yi ho no, na mekenkaan dza ɔfa iynom ho na muhuun Hazrat Musleh Maud (ANN) ne mpensampensamu a ɔyɛ faa iynom ho. No kwan a odua do kyerɛw na ɔkasa faa nsem ho no kyerɛ kwan a ɔyɛ fɛw a ɔnam do bisa bisa nsem nna ne nyiano a wɔnam Kuran Krɔnkrɔn (NNN) na Anohoba Mɛsia n'akyerɛw a yehu no wɔ beebiara. Dɛm ntsi modwen dɛ me bɛfa ne nyamesɛmka no na medze dza ɔnam do ma iynom ba no afa ne kwankyerɛ do ato gua.

Ndzeɛmba bi a wosiw hɛn kwan ma mbɔdzen a yerobɔ ma nkorɔfo eenya nsakyer anaadɛ ato hɔn do no, ma odzi adɔntsen nye atsenka a ɔwɔ nkorɔfo mu dɛ bɔn bi yɛ kɛse na bi so yɛ kakraba. Sɛ yɛredan no aka a yɛbɛka dɛ nkorɔfo bi dze iyi ato hɔn adwen do dada ɔnam nsem bi a nyamesɛm ho nwomahufɔ aka ntsi. Woesi no gyina dɛ bɔn bi yɛ kɛse na bi so yɛ kakraba. Na iyi nye adze p̄kyee a ɔyɛ adze mbrabrananmu a ɔmma nsakyer a wɔyɛ a ɔyɛ yie mmba do.

ɔnam dɛm ntsi nyimpa nya tum ka dza nara ɔpɛ, ntsɛn bi a aba no mu ma ommbu hwee a ɔdze yɛ bɔn. Biribi a ɔma ɔmmfa bɔn nnyɛ hwee ma ndzeyɛɛbɔn bɛgye ntaa. Etsirmuɔdzen a ɔtse dɛm yi nnyɛ hɔn ehiadze wɔ hɔn nsusui ho. Wɔhyɛ ase dwen dɛ sɛ edze bɔn ketsekɛtse nam a ɔnnyɛ ɔhaw biara anaadɛ ne ntsea nnyɛ dzen pii. Anohoba Mɛsia (ANN) no ka dɛ: Sɛ obi yar, dɛ yarba no yɛ ketsekɛtse anaa dɛ ɔso, sɛ wɔanhwehwe n'ano edur na woenssi nkitsi annko yarba no a, onyaa no nnkɛtse apɔw. Sɛ adzebi ketsekɛtse besi obi n'enyim na oenndzi ho dwuma biara a ɔsɛ n'enyim nyinara. Bɔn ketsekɛtse dan yɛ bɔn kɛse sɛ onyia no annhwe dɛ ɔbɔtwe noho efi ho a. Dɛm bɔn ketsekɛtse yi na onyin na ekyir yi ɔsɛ onyia no enyim nyina.

Dɛm ntsi ɔwɔ dɛ yɛhwe yie amma yɛammfa bɔn bi dɛ ɔyɛ ketsekɛtse osiandɛ dɛm adwen no abɛhɛn wo tsirmu dɛ ɔyɛ ketsekɛtse no, ɔno da kor yarba no n'aba bɛpae ma dɛm bɔn ketsekɛtse yi ekyir yi enyin abɛyɛ bɔn akɛse. Dɛm ntsi ohia dɛ yɛyɛ hɛn mu mpensampensamu wɔ iyi ho. Allah, Otumfo No akyerɛ mpɔnse a ɔwɔ bɔn ketsekɛtse na bɔn kɛse biara ho. Afei sɛ yɛhwe mbɛ Nkɔmhyɛnyi Krɔnkrɔn (NNN) akasa afa na ɔakyerɛ bɔn ketsekɛtse na bɔn akɛse na tseneneeyɛ a, yehu dɛ wɔakyerɛkyerɛ mu soronko mu ama nyimpa wɔ gyinabew ahorow mu.

Wobisaa no dza ɔfa no ndwumapa a wɔyɛ kɛse tse no, ɔkaa dɛ ebɔsom w'awofo no yɛ papayɛ a ɔso mapa. Nyiano a ɔdze maa obi so a obisaa asem kor nara no, nye dɛ ebɛyɛ Tahajjud asɔr no yɛ dwumapa. Nyiano a ɔdze maa asem bisa kor noara bio nye dɛ edze woho akɛhyɛ Jihad mu. Dɛm ntsi ɔda edzi, ndwumapa gu mu ahorow ma nyimpa na tsebea mu. Hom mma me kwan ma menka asem kakra mfa Jihad ho osiandɛ wɔkɛka dɛ yɛnnkɛka hɛnho nnkɔ Jihad mu. Aber no a nna Islam gyinaa ɔkodzen ano wɔ afa afa nyinara wɔ nkrantsee ano no, nna Jihad a wɔyɛ no wɔ nkrantsee ano no yɛ papayɛ mapa na obiara a ɔannka noho annkɔ mu no wɔ ber a ntseasee nnyim no Nyankopɔn dɛ ɔsɛ mpɔnse.

Mbom Anohoba Mɛsia (ANN) ne ber do yi, Nkɔmhyɛnyi Krɔnkrɔn (NNN) aka no dada dɛ ɔdze akodzi no bɛba ewie osiandɛ akwan a wɔnam do tuhyɛ Islam do no nna ɔasesa. Islam gyedzi wɔndze nkrantsee botu ahɛ no do, mbom wɔdze dawurbɔ nnyɛdzewa botu

ahye no do na Anohoba Mesia (ANN) na no dom (Jama'at) nam dem kwan yiara do botwitwa agye honho. Se yehwe iynom mu a, Anohoba Mesia (ANN) no aka no wo n'awensem mu de: "deen kay liyay haram lai abb jang aur jidaal"; n'asekyere nye de sesei dze woye no ekyiwadze de botu sa na hom ako onam de hom rotwitwa agye som no ntsi. Iyi n'asekyere nye de Jihad a wodua nkrantsee do ye no wopen do eso nna ampaara wohia na oye dwumapa wo dem ber no mu osiande nna Islamsom no worugu no esu; nna wodze nkrantsee reye iyi. Sesei dze iyi nnye dwumapa na nokwar nye de woye no ekyirwadze eso onko mbra mu-anaade haram- kepem ber a obi dze nkrantsee basoer etsia Islamsom: kepem ber a etumfo no a wotsia Islamsom no wodze akodze basoer hon do.

Afei dza wobotum afre no dwumapa na wapen do oye Jihad su nye Jihad no a wenam Kuran Krnkrn do tow ne nkyerekyere petse: anaade Jihad a onam nyimdzee do: Jihad no a wenam Islamsom ne nkyerekyere fefew no petse a wofa dawurbo nkrataa na mfi do na akwan horow a wenam do nye nkorfo dzi mbisase. Se obi nka noho nko Jihad mu onam de onnyi nyimdzee anaade siantsir bi ntsi a, abobow a wodua mu dzi dem dwuma yi bi nye de eboa ma wotsintsim nkrataa dze tre asempa ber a ereyi sika robo afor wo ho. Mbom se obi ridzi dem dwuma a ofa no Jihad ho yi na onnye n'ahyedze wo ne yer na ne mba anaade onnhwe hon yie papaapa a, nna dem nyimpa dza oye kese eso oye dwumapa mapa no nye ebobo mboden aye w'ahyedze a onnyi de apar wo na nnye: ebeyi wo sika anaa biribi wo Jihad ho. Na se oenndzi dem dwuma yi de mbre ose na hon ehiadze no onnhwe na n'enyi annko hon nwomasua do a ono odze noho to bon mu a woto no abaw a onnhya.

Nkomhyenyi Krnkrn (NNN) n'aber do no, se wodze Jihad n'ahyedze to nkyen a, de mbre m'aka no, okaa kyere Muslimfo bi de dza oso eso oye dwumapa nye obosom n'awofa. Dem ntsi nyimpa biara, se yehwe mber no mu no na dza oroko do no a dza oso eso oye dwumapa papaapa no ye biribi soronko.

Demara so na yehu de ahonya mapa a wodze dzi dwumafun no ye bon kese a wabra hen wo ho. Dem mber yi akradze mfi na akwan ahorow a oma edze woho kehye akradze no ntowee mu aba pii. Nkorfo pii dze honho akehye akradze no ntowee mu (lottery) na binom so dze honho gye akradze mfi mu na wotow akradze; mbom wonnye akohweaban nndzi nkitaho wo hon akonaba mu. Wonnye dza otsetsee hon eso wonnye hon enyienyiadze anaa de wokumkum hon osiande wonyim de oye bon kese. Mbom, wonnhwe akradze no ntowee na egyapadze a woresse wo bon a woka do no. Dem nkorfo yi a woresse sika kese a otse dem yi ye bon kese a woto no abaw a onnhya osiande bon nkaa no onyim no dada de otse dem ara ampa woye bon a oso.

Afei yehu de basia bi ommfa no ho de mbre oye botoo na enyidze woho eso se orifir edzi a onnhu akatatsir (purdah) ho hia a ohia. Ampaara de Ahmadiyya Muslimnyi eso odzi akonaba a ommfa akatatsir anaa hijab anaa egukonmu (scarf) anaa tamsin, ohye atar a oma oda no honamfew edzi, mbom se esere de ommbo sika afor a anaaa onye adoye a obuei n'akoma mu na onnkyir akohwi na onnkepe de obiara dzi akohwi wo n'enyim.

Ono dze nnye dwumapa mapa nye ebobo sika afor anaade ebedzi nokwar; mbom onoara dze dwumadzi mapa nye ebefa Kor'an mbrasem do edzi dwuma de ebefa mbra a ofa

no atarhye do wo ahotsewee na botooye mu na onye dza purda so rohwehwe no. Adze a oyi no akwa a odwen de dwumapa ketseketse no nye dza obepia no ako bon kесе ne nyee mu.

Yemfa no de, dwumapa biara a obiara dzi onye bon biara a obiara ye wodze ko nsanmu ma obiara ne gынabew na dza orisi wo n'akwan mu na owo ne gынabew soronko mu a nkoroforo soronko hon ndzeyee botum akobata dem nyimpa no ne ndzeyee na ndzeyee bon nkyerekyere mu ho. Mber tsentsen a oka adwen mu de dem anaa dem bon yi ye kесе na bi so ye ketseketse na dem anaa dem ndzeyee pa yi ye kесе anaa ketseketse no, nyimpa nntotum abo noho ban efi bon ho anaade obenya nhyira wo kwan ho aye papa.

Owo de aber biara yedze to hen adwen do de bon akese nye ma onntum nn yi no akwa na oye dzen ma no papaapa de odze besi nkyen ma abeye no su no. Na dwumapa nye ma oye dzen ma nyimpa bi oetum eedzi. Se yeredan no aka a ono nye de ndzeyee bon ye akese ma obi na obi dze oye ketseketse ma no.

Dem ntsi, se yebotum dze nsakyer aba hen mu a ono asopon no ara owo de yeyi dem adwen yi tokyen fi hen akoma mu; mfatoho nye de edwamabo ye bon kесе, wudzi ye bon kесе, adze wia ye bon kесе, anokum ye bon kесе, wo ber a se yedze toto ho a, bon nkaa no ye bon nketsenwketse. Owo de dem adwen yi yeyi fi hen akoma mu.

Demara so owo de yeyi dem adwen yi fi hen akoma mu de akwankyen, adoye (zakat) hajj (akwantu kronkron) iyi nom nyinara ye dwumapa mapa na dwuma nkaa na nyinaa ye nketsenketse-na iyi nye adwen a yehu no wo Muslimfo dodowara mu. Se dem adwen yi yennyi enmfi hen akoma mu a, ono hen ndzeyee bokodo de obeye mberew. Hen ndzeyee beye dzen, se dem afotu yi a ofi Anohoba Mesia nkyen yi dzi hen enyim a nyia amfa Koran Kronkron no ne mbransem ahaesoun annko nyee do no nkwaye abow no wotow mu gu ne tsir do.

Dem ntsi onnyi de hen ntseasee ye de hon a woka de ndwumapa binom ye nketsenketse na binom so ye akese we dem nsem yi ho. De mber Muslimfo nkaa no yedze ye mfatoho a, wodwen de akwankyen nye dwumapa oso se nkaa no nyinara na mkom wommbu ododow. Nyia zakat ye nhye ma no no obo mbodzen papaapa de obefa ne tsir do, mbom se odu akwankyen do a obobo mbodzen akyen kom osiande onya atsenka de se ammfa akwankyen a obedzi fo wo bon kесе bi ho

De nntotua wo Zakat no mber bi mu nna oye asem, Minnyim mber asem no tse dem mber yi- Afe 1974 n'ekyir no, mber a woda no edzi wo aman mbransem no mu de Ahmadiyyafo nnye Muslimfo no, nkoroforo bi a wonnye Ahmadiyyafo kyereew no wo hon sika korabea nkrataa do de woye Qadian Ahmadiyyafo. Muslimfo nyinara wohyee hon ma wotuaa Zakat wo afe no n'ewei na onam de Ahmadiyyafo woda hon edzi de wonnye Muslimfo ntsi wammfa iyi de oye nhye na wonam dem kwan yi do enntua Zakat.

Dem ntsi iyi nye hon gyedzi ne gынabew. Wode Ahmadiyyafo ye kafirfo (hon a wonnyi gyedzi) na ber a oso de wo dze sika to foto mu no, na woyi Zakat akwa no, woda honho edzi de woka hon a woye kafirfo no ho. Minnyim mber otse nde, mbom mber bi na dem na otse. Na dem tsebea yi wo ho osiande wodze dem dwumapa na bon mpenpendo yi besi ho na wonnhwe Nyankopon anaade No somafo no na mbom wo dan honho ko asofo no ho na wahye ase retsiatsia hon anamon mu.

Hazrat Musleh Maood aka dzebi a osii wɔ Anohoba Mesia ne ber do wɔ kyirwia ber mu. Dem ber no nna Anohoba Mesia (ANN) etu kwan kɔ Amritsan a onyaa kwan kasae wɔ hɔ. Ber a ɔrekasa no ne men mu wewoe na nyenko bi huun dem no dze tsii kɔɔpow kor brɛ no, mbom Anohoba Mesia (ANN) anngye. Annkyer na ne men mu weew bio ma ɔsanee brɛ no tsii no bio naaso Anohoba Mesia (ANN) anngye bio; ɔdze ne nsa kyereɛ de ɔmma ɔnko hɔ.

Aber a kotsi ko no sii no bio no, nyenko no dze tsii a otsia ebiasa baa bio na Anohoba Mesia feew kakra kyereɛ de se ɔanngye na nkorɔfo ``bɔdwen de ɔrekyereɛ noho wɔ mbra a ɔkyere de se erutu kwan a onnyi de efa akwankyen no. Wohun dem no, hɔn a wɔnnye Ahmadiyyafo no kasakasa ho de hwe ɔda noho edzi de ɔye Mahdi na ɔremmfa akwankyen wɔ Ramadan bosoom no mu.

Dza dem nkorɔfo no susu nye de dza ohia wɔ akɔnkyen ho nye de wɔkyen kɔm se ɔkyere de eroto Nyankopɔn Ne mbransɛm no mu bi mpo a. Hazrat Musleh Maood ka de nkorɔfo no mu bi a wɔye ɔha nkyem eduokron ye hɔn a wɔnnye asɔr a ɔye nhye no na ɔha nkyem eduokron akron so ye hɔn a wɔnka nokwar no, ndabraba ahye hɔn ma na wɔye ewura dandze mbom iyi so ye nokwar de dem mber no nna hɔn mu nkyem ɔha eduokron akron refa akɔnkyen osiande wobu akɔnkyen de ɔno nye dwumapa a odzi mu mapa. Mbom wɔnfa akɔnkyen no de mbre Nkɔmhyenyi Krɔnkrɔn Muhammad (NNN) no n'akwankyere tse de nyia odzi akɔhwi anaa odzi fɔ wɔ anokum ho na ɔhyehye nkorɔfo ahohoraa no, wɔ Nyankopɔn enyim no onyia no n'akɔnkyen no nnye akɔnkyen koraa, ma ɔkɔm na nsukɔm dze no kɛkɛ.

Se yeɛ mpensampensam a yebohu de Muslimfo dodowara hu amandze wɔ ɔkɔm na nsukɔm ho de mbre Nkɔmhyenyi Krɔnkrɔn (NNN) rekyere yi. Mbom wobu no de etse ɔkɔm na nsukɔm mu no ye dwumapa a wɔto no abaw a annhya na oyie de ebeye dem ewie. Anaaso wɔdze ndzeyee bi ka ma wɔye no ho a hɔn adwen kyere hɔn de wɔye dwumapa mapa na wɔbɔdwen de wɔaye ahoboa yie de wɔbegye Nyankopɔn Ne fakye no.

Dem nkorɔfo yi nnkotum aye hɔn a wɔma ndzeyee tsenenee tsim wɔ wiadze anaade wobotum esi gyina bi a nkorɔfo betse bɔn ase. Hɔnara hyehye mbre dwumapa ne kɛse na kakraba tse. Demara so na wɔhwe mber bɔn ne kɛse na ne kakraba tse. Dem no ntsi wɔbɔ mbɔdzen de dza hɔn adwen ye hɔn de wɔye ndwumapa kɛse no wobonya.

Na adze bɔn a wɔdwen de ɔye bɔn ketseaba no wonntum nnye no nndzi esi. De wonnyi dem bɔn nkwtSENketsen yi akwa no kyere de wonnkotum nye dem bɔn ketseketse no edzi esi. Ma dem ntsi wɔkɔdo dɔr wɔ bɔn mu wɔ de wɔye bɔn ntaataado wɔ ber a Islam akyerɛ de dwumapa a ɔso ne nyee ye dzen papaapa na ɔye tseneneeye soronko ma ankorankor. Na Islamsom akyerɛ de se bɔn ne nyee ye kɛse a ɔye dzen de ebeyi woho efi mu.

Dem ntsi se yewɔ pe de yeβesaker henho a, ɔno ɔwɔ de yedze iyi to hen adwen mu de yeβɔbɔ mbɔdzen afa dwumapa na dza oyie biara na yeabɔ mbɔdzen a yebotum biara eyi henho efi dza ɔnntsen na ndzeyeebɔn biara ho. Henara hen nkyerekyeremu nnkotum ama yeafa ndwumapa na yeapow bɔn. Mber pii obi dze ɔhaw to nara no do se ɔhye ase ye nara ne nkyerekyeremu dze kyere ndzeyeebɔn a ɔse de oyi no akwa na ma ɔwɔ de ɔfa na mbom onnyi de ɔko tsia, na osi nketse wɔ papaye binom ho na ogyae binom.

Tsenenenee papaye nketsenketse a hen adwen nnko do no tum twe hen fi papaye nyinara ho koraa, dem ara so na bon nketse nketse so ma ye ye bon akese a yenntum nnsiw ano a oma nyimpa n'adom ano kwan siw na otwe no fi sunsum mu ahotsewee ho, se nyimpa ennyi bon akwa a ono eduaba no twe wo no mu kopem aber a obenya kwan aye bon kese biara, dem ntsi asem yi ho hia papa ara yie. De yebotum eyi bon efi hen mu no, gyede ye ye bataboa bomu kor yi bon nyinara akwa fi hen mu.

Owo de asorba biara bo no ho mboden de obeyi bon akwa na annye dem a kuw no nyinara nnkotum eyi bon efi hen mu. Yebotum etu bon ase wo aber a hen nyinara hen adwen beye kor, mfatoho bi nye de Muslimnyi kyir prekonam naaso binom ye bon tse de Shirk (mbataho), ewukadze, edwamambo, adzewia, nye dza okoka ho naaso otum fre noho Muslimnyi, na se obi ka kyere no de ondzi preko nam a ho no ara na woeyi ano de meye Muslimnyi dem ntsi mebsi den awe preko nam. Siantsir nye de preko nam ye ekyiwadze ma Muslimfo nyinara, Muslimfo nyinara bomu kor hu preko nam de oye bon. Hom nhwe de hon a wotse oman yi mu a wowo hon wo ha mpo kyir preko nam, iyi gyina de Muslimfo nyinara bomu kor kyir preko nam, dem ntsi owo de hen nyinara bo mu kor tse ase de papaye biara ho hia na oso, na owo de yekenyan akra nyinara de bon biara ye bon a oso, na papaye biara nnsuar, kopem de hen mu kor biara benya dem adwen yi wo no mu no bon nnkefi hen mu ara da na iyi besiw kwan ma yennkotum dze nsakyir papa aba wiadze.

Adze kor so a oye hen akwanbew wo nsakyer pa ho nye asetsena mu suban de yeta suasua henho. Nyankopon dze dem su no ahye hen mu na ono na ohye hen nsew fir hen mbofra ber mu. Oye adze pa naaso se yeannhwe no yie a otum dze hen ko see mu ana odze hen ako beebi bon. Otum sua kasa fi n'awofo ho, naaso osua suban bi na se osua suban pa a oye nyimpa papa. Se n'awofo no ye nyimpa a wo ye Salaat, na wokenkan Kor'an no a, na wotsena wo odon na tsema mu a, na wokyer atorsem a ono mbofra no so benya suban pa no ara, na mbom se wo ye akohwifo na woko ntokwaa aber nyinara na woeyaw honho na wommfa obu mma kuw yi ne nhyehyee a ono mbofra no so sua dem suban na ndzeyee no ara fi hon ho. Se opue so a ma obohu biara wo n'anyenkofo nkyen no so osua, dem ntsi na ber nyinara mo twe awofo adwen gyina do daa de wonhwe mbofra no yie se wopue a, mpo se wowo fie na worehwe TV anaa ntanet efir no a hom mma hom enyi nko hon do. Hom nhu de mbofra no hon ntsetsee fi hon mbofra ber mu wo aber a hon mfe suar, hom mma hom adwen nko iyi do na mma hom nnye hom adwen de se abofra noara nyin a onoara bosua subanpa. M'aka de mbofra no sua hon awofo na mpanyimfo a woben hon na wosua hon, mma awofo no nnka de mbofra no susuar, na wonyim eben adze. Mbofra no hu na wosua dza hon awofo ye no nyinara, na oka hon tsir mu na wo hye ase de woreye dza woehu no efuraado wo aber a adwen tsitsir biara ntaa ekyir.

Mbasiamba no sua hon na nom na wo hye ntar de hon na nom na wodzi agor de hon. N'amona mbanyimba no so sua hon egyanom dem ntsi suban bon anaa subanpa a awofo no kyere no mbofra sua, se wonyin a woka kyere hon de dem na dem suban yi nnye a, ibi nye de atordzi nnye subanpa na de benya wobow ma no ye subanpa naaso se abofra no enuhu de n'awofo ridzi nokwar a ono wotum hu de atordzi anaaso se obi bu no bohye do onnyi no hon

afifi de nkorofu bu dem mbra yi nyinara do dem ntsi se wofa dem suban no wo ho mbofra ber mu a na se wodze nyin a wonngye asem fofor biara nntomu.

Se nanom ye enyihaw na woyanne asor wo fie na se egya no ba fie na obisa no de woye asor na se na no yi ano de dabida, merebeye no siesiara a, mbofra no dwen de oye nyiano papa bi ara ma.

Dem ntsi se obiara so bisa me de m'aye asor a mema no dem nyiano yi ara de mennyee naaso merebeye anaaso de morohwe efir, merobeye, anaaso m'aye wo aber nna na no nnyee dem no abofra no dze anoyi no to ne tsir mu. Dem saso na egya ne ndzeyeebon anaa anoyi bon no ko abofra no n'tsir mu na oma mbofra wonya suban bon fi na na egya no beenu ho, se oba no dem a nna worema abofra no kwankyerebon na wonam hon ara hon suban do rema abofra no nyin a oda dem suban nara edzi dem ara na suban bon a owo ... no mu no da edzi wo mbofra no mu dem ntsi se yeye de yedze nsakyer a okron ba hen awo ntoatodo mu a ono owo de awofu no hwe hon abrabo yie na owode wonye nkorofu a wowo su pa bo ... osiande mbofra ye esua sua wo dza wuhu ho, dem ntsi se edze abofra no gyina kwan pa do a oboko do ara aye ndzeyee pa, na se edze no si kwan bon do a obenyin abeye bon bi a nena oaye no dada. Dem aber yi awofu no nnkotum aka de hen mbofra yi ye mbofra bon.

Dem ntsi oye awofu asodzi kese noara de wo bohwe hon ndzeyee bedzimu biribi tse de asor ye(Salaat) owo de awofu no ara so ye hon asor de mmre ofata na woka nokwarsem kyere mbofra no a na wokyere hon suban pa a okron yie, de mbre obeye ma mbofra no esua suban papa, awofu no ntwe hon ho nfi ator nsem dzi ho amma mbofra noso anye bi. Yebohu ndzeyee ne nsusuando efi Anohoba Mesia (ANN) n'esuafu kor bi ho, Hazrat Muslih Maood kaa de onua bi a ofi Sikh som no mu beyee Muslim na onndzi nantwinam. Hazrat Muslih Maood kaa de ber bi mohun nyimpa yi de onye n'anyenkofo bi nam na woreper de nkye onua yi bedzi nantwinam no bi na ber a odzii nam no, ofee na yar bo no ara yie. Iyi kyere pe a nna ommpo nantwinam no wo ne mbofra ber mu.

Iyi gyina ho ma de n'awofu no anfa nantwinam ne ndzii anntsetse no den ntsi woka no ho na ber a nna n'ayenkofo no reye de ondzi nantwinam no opaa hon kyew de mma wonnye dem. Owo mu de na woasesa ne gyedzi naaso dza awofu no dze tsetsee no de mma onnwe nantwinam no dahoara tsenaa no mu, ma oenntum ennyi enfi no mu. Huzuur kaa de, osinade ndzeyee da edzi wo enyi do ntsi nkorofu tum hu, na wotum sua no ntsem, naaso gyedzi dze onnda edzi owo nyimpa mu dem ntsi nkorofu nnhu, na oko do ara nyin wo nyimpa no mu. Ayiedzi ne nfatoho tse de etwa dua no ban dze redua na ndzeyee ne mfatoho tse de edze dua n'aba redua dwa abo woara hyee ase fifir fi asaase n'tsirmu se wimu nsenkyerenee dzi dzi bo noa, ndzeyee bon tum tserew wo bron mu ntsem ntsem a ofi woara wo nkorofu ho ana wo bron mufo nkyen, asetsena no na okyere mbre subanpa anaa suban bon si na otserew dem ntsi owo de ber biara hen adwen ko dem nsen yi do yie, akwan ahorow binom so wo ho a bon na papa fa do tserew ono mebeka no ekyir yi, Nyankopon mboa hen ma yentum nsakyir hen ara hen bra na hen mbofra. Nda da yi so awerhow sem bi wo ho, onye de se yeye asor wie a mebeye Janaza asor ama Onua Khalid Ahmad Paraqi Sahib a ofi Syriaman mu.

Onua yi nna oye "Engineer", odzii mfi 37 n'awofu beyee baiat mfe 1986, hon na wodzii kan beyee baiat wo hon nkwa do ho, na n'awofu hyia etsiafo pii nara ma afe 1989

wakyer n'egya kotoo fiadze bosom esia mprenpren yi ara huu n'egya mpen ebien wo afe 2001 na bio wo afe 2013, ne nuanom nyinara ye Ahmadiyya kuwmba wo September 18th, na nsordaafo bekyer no na wɔanntse noho asem biara kepem Mumu 9 na aban banbofo no frɛ n'egya dze nkrataa bi hyɛɛ ne nsa kyere de ne ba ho ewu wo Obesɛ 28 2013. Nkorɔfo pii nara dzii ne nyamesom mu nyimdzee ho dase ara yie. Oda edzi pefee de ne hyɛdo ama atsetsee a ɔnam do ma owuii wo Nyamesuro na ne subanpa na ne Nyamesom mu nyimdzee de edzi ma nkorɔfo pii, mpo Muslimfo a wɔnnye Ahmadiyyafo dzi noho dase na ɔwo ndze nwanwaso a wɔdze kenkan Kuran Nwoma no na ɔwo akoma a ɔye mberew na ɔwo tsema ma adasamba no ɔye n'asodzii nyinara so pɛpɛɛpɛr, nokwardzi, ɔdo na obu a ɔwo ma kuw yi mu ye dzen yie, na Khilafat nhyehyɛɛ no hia no papaapa, na ɔwo ɔdo kese maa ne man.

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us